



Inatsisartuni ilaasortaq Steen Lyngø, Atassut /Maani

Tasiilami erngup nukinganik nukissiorfiup allineqarnissaa pillugu § 37 naapertorlugu apeqputip 2015-035-ip akineqarnera

Asasara Steen Lyngø

Sammasamut uannit iliuuseqarfigerusunnartumut apeqputit qujassutigaa.

Imatut apeqquteqarputit:

”Erngup nukinganik innaallagassiorneq pillugu Tasiilami annertusisamik qanoq
pilersaaruteqarpa, sanaatornerlu qaqugu pisinnaava?”

Akissut:

Soorlu 2014-2018-imut Naalakkersuisooqatigiinnissamut isumaqatigiisummi
”Ataatsimoorneq, Toqqissisimaneq, Ineriartorneq”-mi takuneqarsinnaasoq
Naalakkersuisut pingaartitaraat nukissiuutini mingutsitsiffiunngitsunik pilersuinissap
ineriartorteqqinnissaa sulissutigineqassasoq, siullerlu tassaavoq erngup nukinganik
innaallagassiorsinnaaneq.

Soorlu nammineerlutit allattutit Tasiilaq piffissap ilaani innaallagissiorfimiit
dieselitortumiit innaallagissamik pilersorneqartarpoq, tamatumunngalu pissutaavoq
erngup nukinganik innaallagissiorfiup illoqarfik ukioq naallugu pilersorsinnaanngimmagu.
Tamatumunnga pingaernerpaatut pissutaavoq imeq atorneqartussaq amigarmat.

Taamaammatt erngup nukinganik innaallagissiorfiup allineqarnissaanut periarfissat
misissorneqarnissaat Naalakkersuisut pingaartitaraat, taamaaliornikkummi uuliamik
atuineq annikillisinneqarsinnaammatt.

Nukissiorfiit nalunaarput 2015-imi allilerinissamut teknikikkut periarfissat marluk
misissorneqarnissaat naatsorsuutigineqartoq:

- Innaallagissamik pilersitsisartup (turbine) atorneqareersup allannortinnissaa:
Taamatut allisaaneq erngup atorluarneqarnerunissaanik kinguneqartussatut
naatsorsuutaavoq, taamaalillunilu erngup nukinganik innaallagassiorneq
atorneqareersaq 10 %-it missaannik annertusillugu.
- Innaallagissamik pilersitsisartumik nutaamik ikkussinissaq, taassuma imeqarfik
160 atortarpar, imeqarfillu taanna massakut imeqarfiusumut (100)
kuutsinneqartarpoq. Erngup nakkaanerani nukik pinngortartoq ullumikkut
atorluarneqarneq ajorpoq, tamannali atorluarneqarnerusinnaavoq
innaallagissamik pilersitsisartumik nutaamik mikinerusumillu ikkussinikkut.

Ataatsimut isigalugu alliliineq ukiumut innaallagissamik pilersuinerup 50 %-imik
annertusinissaanik kinguneqarnissaa naatsorsuutaavoq”. Tamanna isumaqarpoq

02-03-2015
Suliap normua 2015-111498
All. nr. 1879665

Postboks 1614
3900 Nuuk
Oqarasuaat (+299) 34 50 00
Fax (+299) 34 54 10
E-mail: paian@nanoq.gl
www.naalakkersuisut.gl

alliliineq aqputigalugu massakkut innaallagissamik atuineq (qullernut nukissiornermullu) tamakkerlugu matuneqarsinnaassasoq.

Misissueqqaarnermi paasisat ajunngitsuussappata, illoqarfiullu nukissiuutinik pisariaqartitsinera tunngavigalugu niuernissamut ajunngitsumik tunngavissaqassappat 2016-2018-imut alliliisoqarsinnaanera Nukissiorfimmiit naatsorsuutigineqarpoq.

Soorlu apeqquteqarlutit tunngavilersuutinni paasineqarsinnaasoq namminersorlutik suliffiuteqartut tungaanniit Tasiilami aalisakkerivimmik sanasoqarnissaanik pilersaaruteqartoqarpoq. Nukissiorfiit nalunaarput aalisakkeriviup innaallagissamik imermillu pilersaqarnissaa pillugu qinnuteqaammik tigusaqarsimallutik.

Nukissiorfiit nalunaarput Tasiilami innaallagissamik imermillu piumaneq malunnartumik annertusisussaanaera ilmanarsinnaasoq qinnuteqaammi takuneqarsinnaasoq. Erngup nukinganik innaallagissiorfik allineqaraluarpuunniit aalisakkeriviup taamatut isikkullip pilersorsinnaanissaanut innaallagissamik imermillu pilersuiffimmut aningaasaliisoqaqqinnissaa pisariaqartinneqartussaavoq.

Neriuppunga akissutikka naammagissagitit.

Inussiarnersumik inuulluaqqusillunga
Med venlig hilsen

Mala Høy Kúko